



Broj: 02-11-2464/23-AP-2  
Datum: 07.12.2023. godine

Na osnovu člana 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 2. Zakona o razvojnom planiranju i upravljanju razvojem u Federaciji Bosne i Hercegovine („Službene novine FBiH“, broj: 32/17) i člana 10. stav (3) Odluke o kriterijima za rangiranje, načelima izrade i načinu podnošenja investicionih projekata za izradu Plana kapitalnih investicija Općine Zavidovići („Službeni glasnik Općine Zavidovići“, broj: 8/2019 i 10/2021), Gradsko vijeće Zavidovići na \_\_. sjednici od \_\_. \_\_. 2023. godine, razmatralo je Prijedlog Plana kapitalnih investicija Grada Zavidovići revidiran za period 2024. – 2028. godine, pa je nakon rasprave donijelo

**ODLUKU**  
**O USVAJANJU PLANA KAPITALNIH INVESTICIJA GRADA ZAVIDOVIĆI**  
**REVIDIRAN ZA PERIOD 2024. – 2028. GODINE**

**Član 1.**

Gradsko vijeće Zavidovići usvaja Prijedlog Plana kapitalnih investicija Grada Zavidovići revidiran za period 2024. – 2028. godine.

**Član 2.**

Plan kapitalnih investicija Grada Zavidovići revidiran za period 2024. – 2028. godine čini sastavni dio ove Odluke.

**Član 3.**

Ova Odluka stupa na snagu prvog narednog dana od dana objavljivanja u „Službenom glasniku Grada Zavidovići“.

**PREDSJEDAVAJUĆI**  
**GRADSKOG VIJEĆA**

Admir Fojnica, prof.

## OBRAZLOŽENJE

### PRAVNI OSNOV DONOŠENJA ODLUKE

Članom 2. Zakona o razvojnom planiranju i upravljanju razvojem u Federaciji Bosne i Hercegovine („Službene novine FBiH“, broj: 32/17) definisano je sljedeće:

„Uspostavljanje sistema razvojnog planiranja i upravljanja razvojem u Federaciji omogućava: a) transparentno i usaglašeno razvojno planiranje i upravljanje razvojem u Federaciji, kantonima i jedinicama lokalne samouprave; b) u najboljem interesu građana Federacije koordinaciju i integraciju strateških dokumenata i javnih i drugih finansijskih resursa kako bi se osigurala realizacija razvojnih prioriteta.“

Članom 10. stav (3) Odluke o kriterijima za rangiranje, načelima izrade i načinu podnošenja investicionih projekata za izradu Plana kapitalnih investicija Općine Zavidovići („Službeni glasnik Općine Zavidovići“, broj: 8/2019 i 10/2021) definisano je sljedeće:

„(3) Za svaku kategoriju i potkategoriju projekata utvrđuje se rang-lista i prioriteti finansiranja, te se kao prijedlog Plana kapitalnih investicija Općine Zavidovići za plansko razdoblje dostavlja Općinskom vijeću Zavidovići na dalje usvajanje.“

### RAZLOZI DONOŠENJA ODLUKE

Plan kapitalnih investicija predstavlja plan za investiranje iz gradskog Budžeta u infrastrukturu, javne objekte i opremu i obuhvata zajedničke planove infrastrukturnog ulaganja javnog sektora, na teritoriji cijelog grada.

Plan kapitalnih investicija je pretpostavka održivom pristupu planiranja budžeta, te prikladnoj projekciji budućih potreba na nivou lokalne zajednice.

Prilikom izrade Plana kapitalnih investicija Grada Zavidovići revidiran za period 2024. – 2028. godina vođeno je računa da isti bude usaglašen sa Dokumentom okvirnog Budžeta Grada Zavidovići.

### FINANSIJSKA SREDSTVA POTREBNA ZA DONOŠENJE ODLUKE

Za realizaciju ove Odluke neophodno je okvirno obezbijediti u Budžetu Grada Zavidovići, odnosno alocirati putem raznih budžetskih transfera, kao i vanjskih izvora finansiranja iznos od 8.304.106,00 KM za period 2024.-2028. godina, odnosno prosječno 1.660.821,20 KM na godišnjem nivou.

GRADONAČELNIK

doc.dr. Hašim Mujanović

Obradio: \_\_\_\_\_  
(Almir Mustafić)

Kontrolisala: \_\_\_\_\_  
(Džeraldina Miličević)